

金口古镇图

江南第一古镇

(1954年)



武汉市江夏区文化局

二〇一七年元月

金口镇即汝南旧治记

清·段灿

金口镇即古涂口，晋隋间汝南旧治也。口为西梁、斧头、鲁湖、东西湖、前后石湖诸水所由出。踞口比屋而居者，星布棋列如画，四方百货，日夕物集；舳舻帆樯，络绎不绝。莫不知斯地为人物辐辏之所，殊不知昔时曾为郡县治也。按《方輿记·江夏》：汉沙羡地、晋汝南、隋江夏。楚《通志》：晋太康中置沙羡县。太元初改为汝南郡。隋开皇初废郡改县。是虽未言建治涂口，而江夏之曾为汝南已有据矣。《武昌府志》：汝南城即汝南侨郡故城。晋咸和中寇乱，户口南迁，因置城于金口，已明载金口曾为治城矣。而县志详载，咸和中置汝南郡，治涂口。太元初降为汝南县，隋开皇初改汝南早曰江夏，犹治涂口中。开皇初自涂口易治焦度楼下，然则涂口之始为汝南郡治也。自晋咸和中至隋开皇初，凡二百五十余年，又为江夏县治凡二十年，共计二百七十余年，而治城始废。此二百七十年中，岂非东南一大都会哉。何生斯土者，杳不识所由来也。嗟呼！治城之废也，迄今一千一百余年矣。志乘虽载其事，而无父老之传闻，又无士君子这讲求，虽欲识当日缔造之规模，延袤之广狭，与夫衣冠文物之繁盛，其孰从而求之？余三十年前读书江干之关公祠，每风晨月夕，偕二三知己，登回峰，眺惊矶，摹拟治城故址，意必面临长江，背负牛头、芙蓉诸山，左望赤圻之南，右达槐峰之北，崇墉窪池，百雉巍然，环以恢郭，固以重关，宏敞壮丽，一如今日，江邑黄鹤白云、凤凰鹦鹉之胜，而今所存唯踞口一镇，虽亦繁然可观，然仅丸地耳，余皆荡为丘墟，化为离黍，湮没磨灭于兵火劫灰之余，后之人无有知其踪迹者，因相与嗟叹徘徊，而不能已。虽然自古盛而衰，衰而盛，固宇宙倚伏之恒理。涂口自治城废后，历唐、宋、元，鲜有闻人，至有明末金河丁先生，始以文章节义者。我朝数十年来骎骎乎人文蔚起，每科必有得隽者。由此材贤辈出，滋长而川至者，正未有艾。余故表而出之，使知其地之曾为郡城尔。

[注] 此文为清同治壬戌年（1862年）元月金口人段灿所作，原文无标点。同治八年（1869年）春二月知江夏马锡山、王庭桢所存。



























